

F3
14
47

VOTVM PRIMVM
AD SANCTISSIMAM VIRGINEM
MARIAM DEI MATREM,
Quæ religiosissime colitur in æde Lauretana.

Pro salute Illustrissimi Principis & Domini, atque Domini mei
Scipionis Cardinalis Burghesij Sanctissimi D. N.

PAVLI V. & re & nomine Pontificis
Opt. Max. nepotis ex sorore.

Cum de mense Iulij anni 1610. febrî laboraret, quo tempore
Auctor in maximo mærore, luctu, & squalore versabatur,
& ex vero corde lachrimarum riuos profundens,
humi prostratus, eandem sanctissimam Vir-
ginem vehementer deprecabatur.

Pro salute eiusdem Principis domini sui colendissimi.

A V C T O R E
EMANVELE CONSTANTINO LVSITANO
Sacrae Theologiæ Doctore, in Alma Urbis Gym-
nasio olim publico Professore.



ROMAE, Apud Iacobum Mascardum . M. DCX.

Superiorum Permissu.

ILLVSTRISSIMO PRINCIPI
SCIPIONI CARDINALI
B V R G H E S I O.



NON Helices aut Cynosura meos faustiq. Lacones
Direxere vagos sinuosa per aquora cursus.
Sola sed e medio radians mihi fulsit Olimpo
SCIPIO lux tua deuoto mihi pectore fixa.
Hæc mihi & albenti celo sit Lucifer, hæc est
Hesperus, hæc veluti sol alter iterq. diurnnm
Nocturnumq. mihi monstrat veluti altera Phæbe,
Denique securam facit lux hæc sola quietem.

Ad eundem Illustrissimum Principem.

VT nequeunt oculi radiantia lumina solis
Ferre, sed obruitur vis aciesq. minor.
Sic tua me virtus proprio splendore subactum
Opprimis, vt subito lingua manusq. labent.
Scilicet haud fas est heroica facta pusilla
Voce cani, magnos nonnisi magna decent.
Atque adeo tua quis præconia dicere tentet?
Quæ celebrata vigent solis vtraque domo?
Ergo magis taceam prudens ne sedulus errem,
Ingenio laudes diminuamq. tuas.
Pectoris & memori potius venerabor honore,
Atque pij's votis teq. tuosq. colam.

ILLVSTRISSIMO PRINCIPI
SCIPIONI CARDINALI
B V R G H E S I O.



EMANVEL CONSTANTINVS
eius seruus. S. P. D.



Vemadmodum Prometheus, vt ferunt
commentitiæ Poetarum fabulæ; cum
humanum corpus luto finxisset; Mi-
nerua adiutrice; ignem è cœlo surri-
puit; vt opus illud imperfectum cœlesti mente ani-
maret. Sic ego, Princeps Illustrissime, luteum hoc
opusculum non ausus, quod aiunt, sine cortice na-
tare nomine tuo tamquam cœlesti igne illustrare
decreui, cuius radijs splendescat, & à tenebris in
lucem reuocetur. Quare si cum Prometheo, audax
vt sum, ita visus fuero, easdem pœnas soluere non
recusabo; & cor meum tibi deuinctum aquilæ ex-
dendum libētissime committam. Non tamen sum
nescius, quam facile sit apud te veniam impetrare;
cum præsertim animi tui clementia me ad hoc ter-
giuersantem incitauerit, & tamquam Minerua fur-
to meo patrocinata fuerit. Si autem, vt spero, inter
ea, quæ ab oculis tuis abesse non solent locum da-

A 2 bis,

4
bis, vigeat apud te mei memoria ; quoties ea vide-
bis, toties tibi occurram , adero tibi absens , tacitus
semper tecum loquar , meq. esse de tuis familiari-
bus vnum , de ijs maxime qui tuo potissimum ho-
nori & vtilitati seruiunt; existimabis. Quod, vt ita
sit, vehementer opto ; & si assequor feram in cœ-
lum istam humanitatem ; colam animo, tuebor of-
ficijs & imitabor quantum potero, studio certe , si
minus re licebit, tibi, vt satisfaciam, elaborabo . Va-
le & me ama quo me mihi ipsi efficias cariorem .
Romæ Calendis Septembris 1610.

Eidem Illustrissimo Principi .

SCIPIO magne Princeps, atque Itale gentis

Nostriq. sæcli gloria.

Hoc oro serena fronte munus accipe ;

Libens quod offero tibi.

Nec temne quamuis sit pusillum ;

Calites non respuunt munuscula .

Ad opus .

Quid trepidas vastas puppis rimosa procellas ?

Pande per anfractus carbasa tua maris .

Hic tibi Typhis erit quo non vigilantior alter ,

Quod fugiat, nouit ; quodq. sequatur iter .

Inconcussa freto & rapidis luctabere ventis ,

Exuet insanas ventus & vnda minas .

VO-

VOTVM PRIMVM
AD SANCTISSIMAM VIRGINEM
MARIAM DEI MATREM,

Quæ religiosissime colitur in æde Lauretana.

*Pro salute Illustrissimi, & Reuerendissimi Principis, & Domini,
atque Domini mei colendissimi Scipionis Card. Burghesij
Sanctissimi D. N. PAULI V. & re & no-
mine Pont. Op. Max. nepotis ex sorore:*

Cum de mense Iulij anni 1610. febr. laboraret.



EGINA omnipotens mirandi munere
partus;

Quæ totum exhilaras cœlum, quæ nu-
mine quamuis

Quaqua diuersis ambitur flexibus orbis;

Omne imple omne ingenti pietate reformas.

Hesperia ante omnes Piceni ad littoris oram,

Pandis ubi terris vi te maiore vocata

Currit; & afflictis præsentia numina rebus

Sentir adeste tua & meritos imponit honores.

O cœlo dilecta domus postesq. beati,

Vos ne per æthereas Iudææ a finibus oræ

Aligerum mandante Deo vexere manipuli?

Hic Virgo genitura Deum genitricis ab aluo

Pro-

Prodiit, & blandis mulsit vagitibus auras ?

Hic quoque Virginei seruata laude pudoris

Sancta salutifero tumuerunt viscera foetu ?

Quænam igitur Regum sedes, quæ tēpla per orbem

Huic se ausint conferre loco ? stimulosq. pauenti

Subijcit, atque animum præsentia numinis vrget.

En ego Virgo tuas lachrimis prostratus ad aras,

Te veneror, te imploro, tuus si rite sacerdos

Sacra fero ingratis nec tango altaria donis.

Ille oculus patriæ, Princeps lenissimus ille,

Ille sacer Princeps Romani magna Senatus

Pars iacet indigna cruciatus pectora febrī,

Febri heu mortifera, & lethi iam limina pulsat.

Non queritur non ille dolet gemitumve fatigat,

Adstantes solita sed mansuetudine lapsis

Luminibus nunc hos nunc illos respicit ægre,

Non illum medici seruorum non anxia cura,

Nec quodcunque potest humanis artibus vnquam

Effici agiue leuat ; quod te per gaudia parrus

Oro tui, illæsi per demiranda pudoris

Munera, per quæcunque tuo vel acerba tulisti

De nato vel læta preces admitte tuorum.

Certe equidem multas pendentes æde tabellas

Aspicio, quæ te miseris præsto esse loquuntur.

Hic te animo spectans torrentem viscera febrim

Depulit, ille Hiadas tristes, Hædumq. cadentem

Spectauit tutus vertentibus æquora ventis,

Et

Et duce te patrias enauit saluus ad oras :
 Criminis ille reus falsi sub Iudice duro
 Dum mortem expectat tenebroso carcere clausus.
 Munere Virgo tuo detecta fraude reuifit
 Vxorem & natos exoptatumq. parentem .

Ergo me superis e sedibus aspice Virgo
 Prostratum, atque imo gemitus ex corde cientem ;
 Et pectus tundentem, & fletibus ora rigantem.
 Id mea si scelera impediunt ; si turpiter acta ;
 Quod fateor ; mihi Virgo tuas occluserit aures .
 Aspice tot populos Mater sanctissima moestos .
 Aspice Romuleam tot nunc lamenta per vrbera .
 Aspice quod miseris nil tale merentibus vnquam
 Præsidium aufertur ; quo cum moriente peribunt .

Neu quamquam culpis adopertum turpibus arce
 Aspectu me virgo tuo . Si pectore toto
 Te veneror, si te dubijs in rebus ad vnam
 Confugio, teq. auxilium sanctissima posco .

Non dum se in partes olim diuiferat æquas
 Rupta mole Chaos, non luxerat igneus æther ;
 Nondum pendebat tellus, non fluctibus orbem
 Cærulæ ambierat Nereus, rapidæq. volucres
 Non liquidum pictis tranabant aera pennis .
 Tu tamen ò felix, ò sæclo antiquior omni .
 Te nascente omnes ; quæ nos nigrantibus alis
 Velauere prius ; mundum liquere tenebræ .

Pœnitet ex animo vitæ me virgo prioris ;
 Pœni-

Pœnitet, & meritas horret mens conscia pennas.
 Quod nisi tu casto pendentem ex vbere natum
 Concilias placasq. mihi, quo tendere cursum,
 Quoue malis fessam tentabo advertere puppim?

Virgo iusta mouent superos si orata benignos;
 Iusta peto, miseras audi sanctissima Virgo
 Exorata preces, misero quas pectore fundo.

Præsidium ergo veni, tumidis agitatus in vndis
 Nauita, te denso miles circumdatus hoste,
 Te vocat ignotis errans vagus hospes in oris:
 Et tibi sollicitus suprema voce colonus
 Anxia vota facit, multa cum grandine mæsis
 Sternitur; & rutilos contorquet maximus ignes.
 Nec quisquam incassum fatis vexatus iniquis
 Virgo tuam suspirat opem; quæ corda precantum
 Aspicias; humanasq. audis sanctissima voces.

Virgo; namq. soles, placida dignare querelas
 Aure meas, & ades lapsis sanctissima rebus.
 Virgo audi, Virgo exaudi Virgo inclita Virgo
 Vatibus a priscis longe cantata priusquam
 In tua cœlestis soboles se viscera lapsu
 Funderet arcano, foetuq. tumesceret alueus.
 Nescia peccati miseros si respicis vlllos,
 Hæc tibi vota rata, & cordi mea carmina sunt.

VOTVM SECVNDVM
AD EAMDEM SANCTISSIMAM
VIRGINEM.

*Pro salute eiusdem Illustrissimi Domini mei colendissimi,
& amantissimi.*



ANCTA Parens, & nata tui res mi-
ra parentis ;

Quodq. magis mirum est, filia, sponsa,
parens .

Vt teneri pro matre gemunt in ouilibus agni ,

Dum sæuus caulas sæuit odore lupus .

Sic tua supplicibus expandas brachia votis,

Optatamq. feras Virgo rogamus opem .

Si pia te lachrimæ tangunt, gemitusq. dolentum;

Si nomen veræ sola parentis habes .

Respice luminibus cælo pietatis ab alto ;

Hæc serui Virgo lumina lapsa tui .

Respice me transixa graui mea corda dolore ;

Respice iactatas ore madente preces .

Hei mihi, nunc scelerum depressus mole meorum ;

In terram fixos cogor habere oculos .

Obruta criminibus propiæ mens nescia culpæ

Torpet ; & ad superos ora leuate nequit .

Si cælum intueor; nouit mea crimina cælum ;

Si in terram verto lumina testis, adest .

B

Quò

70
Quò me vertam ignoro? ni tu mihi lumina vertis?
Quem moueat? nisi te te mea plaga mouet?
Quæso per immensi crudelia funera nati;
Hæc preces nato Virgo referre velis.
Lingua tremens hæret medio contracta palato;
Qui me nox Erebi ne voret ima tulit.
Per latus infando, traiecta q. viscera, ferro;
Ante (nefas) oculos quæ paruerunt tuos.
Virgo pia his lachrimis oculos ne auerte benignos;
Atque piam lapso porrige sancta manum.
Sæpe tuis precibus genitor sua tela reponit;
Fulmina cum celsi torquet ab arce poli.
Non flectenda tibi Solymæ sunt viscera gentis;
Nec tibi sunt duris corda mouenda feris.
Seq. quem sacro conceptum ventre tulisti;
Quæque tuo iacuit sarcina grata sinu.
Vbera cui niueo candentia lacte dedisti;
Quiq. tuo natum sanguine corpus habet.
Te tamen esse piam certum est; nec carmine tantum;
Sed niuea potius simplicitate capi.
Corda q. cælestes admittunt pura, nec ulli
Indoctas memorant displicuisse preces.
Te vocat ad Medum tendens mercator Hydaspem;
Seu tortas crebro vortice tranat aquas.
Seu timet ad vastæ nocturna silentia siluæ
Solutus; & incertas itq. reditq. vias,

Tor-

Torrída cui Libycis dipsas calcatur arenis,
Masilæ metuit qui fera bella lææ.
Seu quis ad Eleæ cursurus præmia palmæ,
Ardentes cæco puluere versat equos.
Seu iacet, & doctas frustra Podalyrius artes
Tentat, & à Marfis nil iuuat herba iugis.
Et qui fatifero traiectus pectora ferro;
Hostilem moriens corpore plangit humum.
Femina quin primos vteri sensura labores,
Sollicitas ægra dat tibi mente preces.
Et qui complexus laceratæ membra carinæ;
Lassa procellosis brachia iactat aquis.
Quiq. sedet duris religatus crura cathenis,
Ipse tuam cæco carcere poscit opem.
Audis; & celfo requiem concedis olympos,
Quamlibet æratas non timet ille fores.
Sæpe tuam poinis oneravit rusticus aram;
Et tulit ad nitidas spicea ferta comas.
Pastor & agresti modulatus carmen auena;
Ante tuas fixit gramina lecta fores.
Accelera pia mater, abit mens; vita recedit;
Si tua ferre cito dextra moratur opem.
Infelix quid agam? nec enim mihi lumine Titan
Demere sollicito nubila corde potest.
Siue pedes humili figo tellure nocentes;
Siue polo figo lumina, deficio.

*Cum Auctor
pra nimio do-
lore deficeret
in ysdem pre-
cibus, perseue-
rans iterum
eamdem san-
ctissimam Vir-
ginem depre-
catur.*

Sol grauis est, Lunæ radij videre nocentem ;
 Ne me demergas Tartara ad ima, tremo .
 Quid miser implorem? quo tristia lumina vertam?
 Quod mihi præsidium terra, vel vnda ferat ?
 Aurea quin potius madido pete sidera vultu ;
 Atque piæ matri hos flebilis adde sonos .
 Alma parens hominum superas Regina per auras,
 Quæ geris ardenti sceptrâ corusca manu .
 Cuius ad os, oculosq., domus stupet alta Tonantis,
 Et ferit auratas aurea turba lyras .
 Cuius ad excelsos Phæbi rota fulgida vultus
 Amittit radios lumine victa suos .
 O Virgo, ô summi nitidissima Ianua cœli ;
 Ianua, quæ facilem pandis ad astra viam .
 O iubar, ô præfens æternæ gloria gentis,
 O spes humanis vna relicta malis .
 Non ego te cesso dominam dominamq. vocare,
 Et mea post victas terga referre manus .
 Quæque etiam minimo sæpe es contenta susurro,
 Nec fugiunt humiles pectora celsa preces .
 Tu cœlo, terrisq. potens ; tibi pontus & aer
 Paret, & Imperio colla dedere tuo .
 Singula quid referam ? per te mitescere Christum
 Cernimus ; offensi cum tonat ira Dei .
 Audi sic surgant Virgo tibi templa per orbem
 Aurea, sic pario marmore crescat opus .

Æter-

Pro salute Il-
lustrissimæ Do-
mini matris.

Æternumq. tuos & vesper, & ortus honores
 Sentiat, & casta det tibi thura manu.
 Tollit vt ad ripas cantus vocalis Aeon,
 Fluminis ad strepitus addit & ipse suos?
 Vt gemit herbofo tristis Philomela sub antro;
 Saucia cum luctus promit amore suos.
 Sic ego te lachrimans Virgo sanctissima quæso;
 Quis mihi det votis accubuisse meis.
 Quale breues clamant tecti de culmine pulli,
 Vt vaga det solitos mater hirundo cibos.
 Seu gemitus alta meditatur ab arbore mæstos,
 Voce vocans comitem blanda columba thori.
 Non secus ex vero ductos ego pectore questus
 Et lachrimas mitto nūntia fida tibi.
 Spectando vigiles tenuarunt æthera visus,
 Lumina nunc flendo sunt mihi fessa satis.
 Vim Virgo alma mihi maiorem viribus affer,
 Et Domino optatam, quæ potes, affer opem.
 Quid loquor? aut vbi sum? Virgo sanctissima toto
 Pectore nunc gemitus pellet ab ore meos.
 Ergo cum totus sese tibi debeat orbis;
 Et celebrent nomen fœmina virq. tuum.
 Ad te confugio cruciatus corda dolore;
 Expecto vitæ deficientis opem.
 Respice Virgo meo manantia lumina fletu,
 Affer opem optatam; quid trahis vsque moras?

Salutem Illu-
 strissimo Prin-
 cipi Scipioni
 Card. Bur-
 ghesio domino
 meo Virgo cõ-
 cede, & ex
 corde meo ve-
 rissimū hunc
 dolorem ex-
 pelle.

Ad te suspiro singultu viscera pressans ;
 Quando dabis seruo gaudia tanta tuo ?
 Heu cur te offendens viuo sanctissima Virgo ?
 Cur non flagitijs ima dehiscit humus ?
 Viuere me mauis; veniam & sanctissima donas,
 Poeniter, atque preces accipe Virgo meas .
 Sic tua magnificis resonabit gloria templis,
 Sic dabimus totos carmina læta dies .
 Dirige deuoti gressus ad sidera serui ;
 Es pia, vis igitur ? mater es ; ergo potes ?

*Ad eandem sanctissimam Virginem pro salute eiusdem
 Illustrissimi Domini mei amantissimi .*

O Assueta malis hominumq. experta labores;
 Vna salus miseris; nostræ tutela salutis ,
 Stella maris radiantis, splendentis Ianua cæli,
 Salue, Virgo parens, mundi nitidissima lampas .
 Salue iterum; & grato si thure altaria fumant
 Rite tua; & si te matrem dominamq. fatemur.
 Huc ades; ac hostes populis, morbosque, famemque,
 Pelle tuis, scelerumq. notas; & crimina tolle ,
 Et mihi incolumem longum spectare patronum
 Da precor; & mundi illecebras & vincere fraudes
 Ditis ; & optato tandem requiescere portu .

15

VOTVM TERTIVM

AD EAMDEM BEATISSIMAM VIRGINEM.

Pro salute eiusdem Illustrissimi Domini sui amantissimi.



SIDERA vt auricomi radijs Titania
Phœbi

Splendescunt, Phœbiq. soror, quæ cor-
nua cœlo

Nunc formosa gerit, plenum nunc induit orbem,
Nunc obscurâ latet, manesq. Acheronte silentes
Æthereos terret coniux Plutonia vultus.

Sic tua lux oculos Virgo pulcherrima nostros
Irradiat, tenebrasq. e corpore discutit ægro;
Datq. videre iubar; sine quo non ætheris arces
Non cœlo subiecta videt, sed quo feror, aut quis
Audeat igniuomum tecum componere solem?

Ille licet pelago surgens rubicundus Eoo
Cæruleum roseo perfundat nectare cœlum;
Obuius ante tuos celabit lumina vultus;
Inq. coloratum retrahet mare pallidus ignes.

Lucifer obscuræ regitur caligine noctis,
Et nigra sub nocte latet, lunaq. propinqua

Defi.

Deficit; & totum patitur tenebreſcere cœlum.
 At tua lux; quamuis tellus, mare, nubila, & æther,
 Stent aduerſa; manet, nulloq. abſcondita ſæclo
 Deficiet, dum ſæcla polis voluentibus ibunt.

Lucifer effundit; cœli licet arduus alti
 Regna colat; mortale iubar; & corpore toto
 Ius habet in fragili, tua lux diuinior illo eſt,
 Et quæ corporibus cū ſit medicina caducis,
 Eſt animis etiam rebus ſolamen in arctis.

Lucifer exurit terras veluti ignis: & vrens
 Omnia conſumit; tua lux veluti ignis adurit
 Pectora, ſed tali quæ ſagrant pectora flamma
 Nobiliora manent; ſuperæq. ſimillima genti.

Lucifer illuſtrat mortalia lumina; & illo
 Quidquid habet mundi moles immenſa videmus.
 Si tamen ægrotent oculi grauis incubat vmbra,
 Quamquam Hiperionix diſtent oriente quadrigæ,
 Et Thartheſiaca ſpatiis æqualibus vnda.

At tua lux nescit Virgo nocuiſſe videnti,
 Si tamen illa poteſt mortali e ſede videri.
 Nam ſi Phæbeæ ſimilis foret, inq. minorem
 Irrueret ſol ipſe; & ſidera cuncta manerent
 Squallida fulgentes atra caligine vultus.

Lucifer immenſi dum circuit ætheris arces
 Dat iubar, vtq. vices velocia tempora ſeruent,
 Itq. reditq. viam toties oriturq. caditque:

Et

Et peragit lento duodenā animalia gressu.

At tua lux immota manet, cœloq. supremo
Fulget, vbi ē nostris euicta laboribus æuum
Transigis æternum; volucrem Titana mouere
Sub pedibus, curamq. vides Lathoida fratris,
Astraq. præcipites agitare micantia currus.

Ergo oculos hūc flecte tuos, gemitusq. piorum;
Virgo potens audi, verō quos pectore fundunt.
Luminibusq. animæ radios inmitte coruscōs,
Vt cœlum penetrare queant, atque altius ærem
Intendisse aciem, teq. in splendore sedentem,
Inter cœlicolas, Maiestatemq. Tonantis
Cernere; diuino culus sanctissima & orbis
Lucifer haufisti radiosam e lumine lucem.

*Pro salute Illu-
strissimi Do-
mini mei Sci-
pionis Card.
Burbesij.*

*Gratiarum actio eidem sanctissima Virgini Mariæ pro salute
concessa eidem Illustrissimo Principi SCIPIONI
Card. Burghesio Domino suo amantis-
simo, & colendissimo.*

Regina omnipotens cœlesti numine plena;
Virgo salutiferū peperisti intacta Tonātem,
Quas grates, quæ digna tuo nunc carmina honore
Cantabit feruus, numeris resonantia plectrō.

Quas tibi lætus agam grates, dū vita manebit?
Aonias quamuis vltro mihi porrigat vndas
Delius; & doctæ concedant carmina Musæ

I.A.

Non

Non tamen ipse queam dignas tibi reddere grates.

Iam circumsepti colles, quos alluit unda
Tybridis, & cursu Romanam diuidit Urbem;
Lætitia magna exultant, atque ardua voces
Terrarum lætas ad sidera celsa remittit,
Dulcibus & resonant passim concentibus auræ.
Te; cum luce noua sparget sol aureus orbem;
Virgo canam; & quoties abscondet opaca polū nōx,
Et tua præcipuo modulabor numina cultu.

*Ad Romam de Comete, qui apparuit in eunte
mense Octobris 1608.*

Roma quid exhorres dirum stupefacta Co-
metem?
Æthereas non est cur vereare minas.
Desine mendaci plebem terrere susurro,
Pontificis PAVLI numine sospes eris.
Prodigiosa tuos non lædent sidera ciues;
Mænia nec lædent astra seuera tua.
Tu quondam (Ah facinus) ciuiles passa tumultus;
In te vertisti sanguinolenta manus.
Tu miseram tolerare famem; tu pestis acerbæ
Semina; seruitium tu graue docta pati.
Nil grauius passura dies age Roma quietos;
Nulla tibi PAVLO Principe fata nocent.

Ad

*Ad eandem Romam iterum atque iterum felicissimam, qualem atque tantum Pontificem genuit, qualis est
PAVLVS V. & re & nomine Opt. Max. Pont.*

Cum premeret totū bellis flagrantibus orbem;
Æquoraque, & vastas misceret milite terras,
Felix Roma fuit, fama. q. impleuit olympum.

Gloria Romanis hæc parva laboribus ingens,
Sed peritura fuit. Nunc est tua gloria maior.
Roma potens; nunc æternum mansura per æuum:

Tartareas postquam migravit pulsa sub oras
Vana superstitio; multos dominata per annos
Exulat impietas. Regnat nunc aurea Christi
Victo errore fides, veluti æthere Phœbus in alto;
Cum fugat obscuras noctis nitidissimas umbras.

Imo etiam terras mittis sacra iura per omnes;
Quosq. olim Imperij populos ditione premebas;
Nunc regis, & sancta sub Religione tueris.

Nūc ergo quemq. ipse colo, quēq. alma iuuentus
Ingenuis clarum studiis, & moribus aureis;
Miratur magnū; quem expectat longæ senectus
Maxime PAVLE; tuas meritas ante omnia laudes
Concinere excelsi præstabunt numina Pindi.

Tunc Tiberim, notasq. arces, post lōga reuisens
Tempora, suspensō gressu mirabitur hospes.
Hic ubi congestis laribus numerosa Quiritum
Gens co'uit paruos angusta in sede penates,
Et vili durata manus plebeia labore;

*Apostrophe
ad S. D. N.
PAVLVM
V. hominum
præfatio tam
diu destina-
tum Imperio,
& Dei iussu
regimini
maiorum.*

Infor-

*Collegium
Romanum
Sapientia
nuncupatū.
Collegium
Romanum
Societatis
Iesu.*

Informi sonitu percussas contudit aures.

Nunc pia flexanimo vitę præcepta beatę
Formari eloquio; nunc magnę arcana parentis
In lucem secreta trahi, priscisq. relictis
Collibus, Aonias sedem posuisse sorores.

Scilicet & dulci tollet se carmine ad astra
Docta cohors; superūq. patrem, & beneficia piorū
Sæpe canet, canet ille tuas ante omnia laudes
Proxime cœlicolis Princeps. Tu PAVLE furentes
Compescis populos, & prælia vertis in hostem
Impia. Tu iustis orbem moderaris habenis
Terrarum cœliq. potens. Tu iura Latino

*Templum S.
Petri.
Sacellum S.
Maria Ma
ioris.
Aula in Va
ticano, &
Quirinali
monte.
Seminarium
Romanum.*

Restituis folio. Templisq. atque Ædibus Urbem
Condecoras, cultuq. pio. Tibi lecta propago
Cogitur aduerso lati de cardine mundi;
In varios quos ipse lares ingentibus auges
Muneribus, veriq. simul studiosa probique;
Viue diu; placidosq. tuos PAVLE aspice fœtus.

Interea sacras precibus pulsabimus aras,
Vt tibi felices summi moderator olympi

*PAVLE
Sanctissime
post quā plu
rimos annos
tot tanto
rumq. tuo
rum labo
rum à Deo
tibi in Cælo
reservata
præmia cõ
sequeris.*

Annuat, & lætis plenos successibus annos,
Aurea restituas labenti vt sæcula mundo.

Atque vbi Nestoreos vita superaueris annos;
Quo nec Pyramidum moles, nec montibus altis
Impositę ducunt munitis turribus arces.
Sed pietas & prisca fides atque ardua virtus;
Te tandem optato facient requiescere cœlo.

F I N I S.

